



ELKARRIZKETA
SOZIALERAKO MAHAIA
MESA DE
DIÁLOGO SOCIAL

ELKARRIZKETA SOZIALAREN MAHAIKO LANEKO OSASUNEKO LANTALDEAREN BATERAKO ADIERAZPEN ERABAKIA

LANEKO SEGURTASUN ETA OSASUNAREN 2021-2026 EUSKAL ESTRATEGIA

LEHENENGOA. - Elkarrizketa Sozialaren Mahaiko Laneko Osasuneko Lantaldeak, adierazpen honen bidez, LANEKO SEGURTASUN ETA OSASUNAREN 2021-2026 EUSKAL ESTRATEGIA diseinatzearen eta horren funtsezko edukiaren aldeko balorazioa egiten du. Osalaneko Kontseilu Nagusiko kideek aho batez onartu zuten, 2021eko abenduaren 13an. Lantaldeko kideek honako alderdi hauek nabarmendu nahi dituzte bereziki:

- Estrategiaren transbertsalitatea, funtsezko tresna gisa sortu baita hurrengo bost urteetan laneko osasuneko politikari koherentzia emateko ez ezik, Gobernuaren ekintza osoari langileen osasunaren ikuspegi integratua eta globala helarazteko ere, politika publiko guztiak osatzen dituen elementu moduan.
- Estrategia prestatzeko prozesura Gizarte-eragileak aktiboki sartzek, bai Elkarrizketa Sozialaren Mahaian, bai Osalanen Kontseilu Nagusiaren barruan, beste pauso bat da Euskadiko langileen eta enpresarien ordezkari nagusiekin elkarrizketa instituzionalizatua indartzeko bidean, eta pixkanaka ekintza politiko hitzartuaren funtsezko ezaugarri bihurtzen ari da, baita gure lan-harremanen ereduaren berezko ezaugarri ere.
- Estrategia partaidetza-parametroen arabera lantzeak, halaber, jarraipena ematen die aurreko ekimen batzuei, xede zutenei gizarte-eragileek esku-hartzea EAEko prebentzio-kulturaren hedapenean eta sendotzean; esate baterako, Enpresa Txiki eta Ertainen Lan Osasuneko Euskal Behatokiari, zeina elkarrizketa sozialaren baitan sortu baita.
- Gizarte-eragile adierazgarrienen parte-hartzea iraunarazi eta indartu egin behar da, politika publikoak ezartzeko fasean ez ezik –horretarako Osalanen prestatutako bide berezien bidez–, diseinuan, inplementazioan, ebaluazioan eta jarraipenean ere; eta, Elkarrizketa Sozialaren Mahaia tresna bereziki egokia da horretarako.

BIGARRENA. - Era berean, Elkarrizketa Sozialaren Mahaiko Lan Osasuneko Lantaldeak uste du, laneko arriskuen prebentzioari dagokionez, ezinbestekoa dela Administrazio Publikoari behar beste baliabide ematea legez dagozkion lanak eraginkortasunez bete ditzan, ez baita soilik enpresei eta langileei zuzenean eragiten dien gai bat.

Ondorioz, Elkarrizketa Sozialaren Mahaiko lantaldeak egokitzat eta beharrezkotzat jotzen du beharrezkoak diren ekimenak abiaraztea Euskal Autonomia Erkidegoan

Segurtasun eta Osasun Eskalako Azpikonspekzio Kidegoa indartzeko, betiere Laneko eta Gizarte Segurantzako Ikuskatzailatza Sistema antolatzen duen uztailaren 21eko 23/2015 Legearen betekizunei eta eskakizunei jarraikiz.

HIRUGARRENA. - Elkarrizketa Sozialaren Mahaiko Lan Osasuneko Lantaldeak uste du, EAEk laneko arriskuen prebentzioaren arloan dituen eskumenak osorik eta eraginkortasunez betetzeko, beharrezkoa dela bere gain hartzea oraindik eskualdatzeke dauden giza baliabideak eta baliabide materialak, hala nola Laneko Segurtasunaren eta Osasunaren Institutu Nazionalak Barakaldon duen zentroa eta ahalik eta lasterren egin dadila eskatzen du. Hori guztia beste autonomia-erkidego batzuekin sinatu beharreko lankidetzak-hitzarmenei kalterik egin gabe, EAetik kanpo dauden beste zerbitzu eta agentzia batzuei laguntza emateko.